

Visoki predstavnik: Objavljivanje srebreničkog spiska ne bi bilo u korist pravdi

Objavljivanje spiska sa imenima osoba, koji je sačinila Radna grupa Vlade RS-a za događaje u Srebrenici, a u kome se navodi svaka pojedina osoba koja je obavljala službenu, policijsku ili vojnu funkciju u području Srebrenice u vrijeme masakra u Srebrenici, ne bi bila u korist pravdi, izjavio je danas visoki predstavnik, Christian Schwarz-Schilling.

Ovaj spisak se nalazi u Tužilaštvu BiH i predstavlja osnovu za istrage koje sada provodi glavni tužilac.

“Jedini legitimni i učinkoviti odgovor zločinu – a masakr u Srebrenici je jedan od najužasnijih zločina koji se dogodio krajem dvadesetog stoljeća – je da se počinioči krivično gone u skladu sa zakonom,” rekao je visoki predstavnik. “Mora se poštovati zakon – to je sredstvo kojim se osigurava pravda.”

Početkom ove sedmice predsjedavajući Predsjedništva BiH, Sulejman Tihić, je ponovio svoj poziv da se objavi spisak.

Visoki predstavnik je podsjetio gospodina Tihića da, kao što je to OHR ranije izjavio, u Zakonu o krivičnom postupku BiH nema odredba o objavljivanju imena osoba koje se nalaze pod istragom. Pored toga, objavljivanje imena koja se nalaze na spisku, koji je sačinila Radna grupa za Srebrenicu, bi moglo ugroziti istrage koje su u toku i ohrabriti osobe koje su na spisku da se sklone izvan domašaja tužioca.

“Mora se omogućiti sudskom i tužilačkom sistemu da radi svoj posao,” rekao je visoki predstavnik. “Dozvolite mi da budem

vrlo jasan – objavljivanje spiska sa imenima bi bilo protivno pažljivom ispitivanju činjenica i konačnom utvrđivanju odgovornosti, što predstavlja srž pravičnog i efikasnog pravosudnog sistema.”